

行水金鑑

行水金鑑

行水金鑑

卷第百五十四

運河水

杭州府為浙江省會領縣九曰仁和曰錢塘

隋以前俱名錢唐唐諱國

號易唐為塘二縣並附郭

曰海寧曰富陽曰餘杭曰臨安曰新城曰於

潛曰昌化運糧正兌改兌共十萬五千石

本大清會典通志十七萬

六千三十六石零外又每石加耗四斗謂之隨船作耗故通志所載有如此之多也各府同

仁和錢塘富陽三縣

便民倉俱在北新關水次餘杭倉在本縣靈源城署

橋臨安倉在餘杭倉之左並自府西北來至關上海

寧倉在本縣長安鎮水次新城於潛昌化三縣水次

未詳運河自北新關

在仁和縣境

十里至謝村二十里至武

林港

俗名五林頭

十里至塘棲

與德清接界

海寧之糧船來會九里

至落瓜橋九里至五黃橋九里至雙橋九里至嘉興

府石門縣界之大麻

與德清接界 吳中水利書云下塘河即運河在府城東北四派皆合於餘杭塘河一派由府

城溜水橋沿東西馬塍至賣魚橋西合餘杭塘河一派由打水樓南折至江漲橋入一派由八字塘至古塘橋下折入一派由西堰橋西至飲馬橋亦折入是河由餘杭縣而來凡七十里下塘河自武林門水由西湖過吳山水驛接清河上中下三開至德勝橋與城東外沙河等水合分為二派一由東北至長安壩一由西北過德勝壩下注至江漲橋與子塘河合流至北新橋北入湖州府界東北接新開運河遂通蘇松二府矣餘杭縣南上湖南下湖在縣城南漢時所開源發自天目由臨安來至縣南從石門入兩湖東流為南渠河又東為餘杭塘河天目山水一源東發而為臨安縣南溪過縣東南入餘杭縣界又一源南發而為馬溪又高陸山去縣北二十五里源發而為猷溪各入餘杭至雙橋合流而為雙溪又東過山港徑山源水來會東入河港過靈源港入錢塘縣境通會於塘河 河防志云仁和縣運河自北新開起至石門大

嘉興府在省城東北領縣七曰嘉興曰秀水

並附郭

曰嘉

善曰海鹽曰平湖曰石門曰桐鄉運糧共三十萬五

千石

本大清會典通志六十萬三千一百三十石零

運河自大麻十里至宋老橋十

里至石門縣阜林驛便民倉在運河東去縣七十步
二十里至石門巡司二十里至桐鄉縣阜林鎮巡司
便民倉在焉二十里至斗門二十里至嘉興府西水

驛

在通越門外

嘉興縣倉在鴛湖之旁秀水縣倉在縣西南

二百步自通越門五里至杉青閘巡司海鹽縣在府
東南倉在西關平湖縣在府東倉在縣西水次嘉善
縣在府東北倉在縣西二百步俱來會於杉青運河
十五里至金橋鋪十五里至蘇州府吳江縣界之王
江涇又三十里至平望驛自平望至姑蘇驛與湖州

同

史鑑吳江縣運河說云杭州錢塘諸山發源下流爲西湖東出北關門又北

逾仁和及嘉興之石門桐鄉秀水諸縣至於王江涇而吳江運河起於此河

之西爲石塘有橋曰聞店內爲市蓋秀水吳江之民雜居焉橋下衆水走湊東
入於河自南徂北十里而至於市涇又八九里而至於合路折而西流又一二

里至於黎湮又四里至於南六里皆有橋臨塘西南受穆溪之水而入於河溪之源又出其東南曰睡龍灣相傳宋高宗南渡時宿此下有泉騰湧上常混混波面也河縣六里橋而西四五里而至於百星橋又西至於下湖橋折而北流數百步許為平望鎮居民日集市中河西有驛名與鎮同是為南塘之水河防志云石門縣運河自仁和縣界大麻起至桐鄉縣界石門鎮接待寺止計程三十里桐鄉縣運河自接待寺起至秀水縣界正家橋止計程三十里秀水縣運河自正家橋起至吳江縣王江湮止計程六十里

湖州府在省城西北領州一曰安吉縣六曰烏程曰

歸安

並附郭

曰長興曰德清曰武康運糧共二十二萬

本

會典通志三十九萬三千九百一十二石

孝豐縣在萬山中無漕糧也德清倉

在縣南三里武康倉在縣西三十步並自南而來長興倉在縣東門外安吉倉在梅溪鄉瀆口並自西而來而烏程歸安二縣倉俱在府南門內運河自府城東八里至八里店九里至昇山

晉王右軍嘗昇此山故名

十八里至舊

館十五里至東遷

舊為縣

十二里至南潯鎮鎮之東柵外

即蘇州府吳江縣曹村自曹村十里至震澤巡司八

里至雙楊橋十八里至梅堰十二里至平望驛二十

里至八尺

一作八斤又作八折

二十里至吳江縣松陵驛二十里至

長洲縣尹山橋二十里至蘇州府盤門三里至胥門

姑蘇驛

史鑑吳江縣運河說云湖州府苕霅二溪合為一東流為荻塘過南潯鎮東入吳江縣界水東北流三里至曹村之駟馬橋又五里至楊

定橋皆在河陽土塘上又三里至震澤鎮有巡檢司蠡澤之水自河陰來會焉河之陽有四橋曰新興曰通泰曰曲橋曰張灣以分洩水勢中為大石橋三皆橫跨河上東曰底定西曰思范其中曰慶源水繇三橋下東行十里至雙楊村過柳塘橋而河之陽復有永安衆安斜路三橋又十八里至梅堰東吳西吳二橋在其北而中濟一橋貫其中又十二里至平望鎮諸家六里洩水三橋界其側自曹村至此五六十里間凡橋在河陽者皆南受河水而北流入太湖鶯脰一湖在其陰東納穆溪西通麻溪南吞蠡溪諸水潴而為澤與運河合流而東有亭臨之名曰望湖稍東經大通橋又東逾巡檢司道安德橋下東出市中與南塘之水會而為一二塘之水既北合流至通安橋橋甚高大跨東西兩岸水從其下過循石橋北行經長老橋又七里至洪水橋又三里至盛墩有橋在河

西曰裊腰又六里至翁涇橋又四里至八斤塘南有橋曰廟涇北有橋曰太浦
繇太浦逾北可十里許爲白龍橋又一里爲徹浦橋又一里爲龔家橋自此河
折而西北流又四里即甘泉橋也下有泉甚深味甘色湛湛寒碧唐陸羽嘗品
爲第四故又呼爲第四橋又北行爲三山寧海萬頃仙槎四橋河益折而西又
六里至於三江橋吳越春秋云范蠡乘舟出三江之口疑即其處蓋太湖之水
東注吳淞而入於海實由於此自三江橋至長橋巡檢司又西爲太湖廟又西
爲松陵驛又西爲儒學又西爲三高祠祠臨雪灘上中祀越上將軍范蠡晉東
曹掾張翰唐右補闕陸龜蒙由雪灘而西是爲長橋長一百三十丈橫截江湖
中有亭曰垂虹河又折而東流出永濟橋下經邑厲壇至三里倉前會城東之
水並趨而東又與長橋巡檢司閘前之水會道三里橋北流入運河土塘在其
左又二里有水自西來曰深港又三里而會七里港之水北流到長洲縣界
湖州府新志稿云湖州水源自西來者曰苕溪源出自天目山其源有二一發
自天目山之陰廣苕山東過金石鄉又東過靈奕鄉又東過安吉縣南之邵渡
又東南過章渡又折而北至止渡與獨松嶺水合一發自獨松嶺西合衆山之
水東過浮石山南又折而西北至止渡與天目山水合二水合而東過倪渡又
折而西又折而東北過梅溪鎮北爲龍溪又北過吳山又北過彭匯又東過和
平入凡常湖箬溪四安塘諸水北來注之匯爲西溪北過釣魚灣又北過青塘
門又折而東至臨湖門與江渚匯水合又自西溪東入清源門又東過儀鳳橋
至於江渚匯又自清源門折而南又折而東出愈思橋與峴山漾南來水合又
自西溪北過青塘門又東北下橫涇港經小梅港口以入太湖自南來者曰前
溪曰餘不溪曰北流水前溪源出銅峴山東流四十九里抵武康縣前千秋橋
名前溪又東過縣學前分爲二派其一北流經黃隴山又東至沙村號沙溪與

德清縣北流水合入郡之定安門經前溪滙爲霅溪其一東流經下渚湖之南與餘不溪水合餘不溪源出天目山之陽東過臨安縣北又東過餘杭縣東又東過錢塘縣之安溪又東過奉口又東南抵德清縣折而東北過關山漾又北過菱湖西又西北過荻港折而西爲太灣與前溪水合又北經硯山漾又北入定安門至於江渚滙又自硯山漾東過溪灣又東過迎春門折而北過鎖條橋又折而東北與諸水大會於毘山漾入太湖北流水在德清縣前其水從餘不溪至縣東分派折入清河橋下北流至沙村與武康前溪水合又北至硯山漾與餘不溪合入定安門至江渚滙爲霅溪霅溪即江渚滙是也其源從南來者曰餘不溪曰前溪曰北流水三水會於硯山漾而入定安門從西來者曰苕溪自清源門而入四水總聚於江渚滙霅然有聲故謂之霅溪又謂之霅川霅溪一出迎春門爲運河東過八里店又東過舊館又東過南潯入吳江縣界一出臨湖門北分流諸淩入太湖又自臨湖門繞城至迎春門會於運河禹貢揚州厥土唯塗泥厥田唯下下厥賦下土上錯而今之杭嘉湖與蘇松賦稅獨重而湖州之賦稅非但重於杭嘉而且重於蘇松具詳明實錄會典與本朝會典可考而知也祝枝山前聞有云三吳在古其民皆斷髮文身以與蛟龍雜處若空其地爲最下也今財賦日繁而古之遺跡不異其水之不爲害者天幸爾萬一洛水不知何以處之吁可畏哉

松江府

以吳淞江得名因惡水旁故用松字

在江南省城東南領縣四曰華亭

曰婁縣

並附郭

曰上海曰青浦運糧共二十三萬二千九

百五十石

本 大清會典 通志四十
四萬一千七百九十石零

兩縣水次倉在府城西

門外諸縣未詳運河自西門四十五里至青浦縣而

上海在府東北自周涇口十里亦至青浦縣北至

大盈浦出吳淞江過西入婁江經崑山縣南門又西

至沙湖隄至和塘歷永康永慶永寧三橋至蘇州府

婁門遶城歷葑門盤門胥門閘門與浙江三府之糧

艘會焉

江南通志云松江即吳淞江在府北七十四里一名松陵江其源出
震澤自吳江長橋東流至尹山北流至甫里東北流至澱山北合趙

屯浦東合大盈浦又東合顧會浦松子浦盤龍浦凡五大浦薛澱湖在府西北
七十二里一名澱山湖以中有澱山也源自長洲白蜆江經急水港而來周迴

幾二百里實古鍾水之地北過趙屯浦東過大盈浦入於松江東南由爛路港
以鍾三泖三泖在府城西南一十八里廣韻泖華亭水也晉陸機對武帝曰三

泖水溫夏涼圖經泖有上中下之名而舊縣圖又以近山涇圓者曰圓泖過泖
橋閘者曰大泖自泖而上縈繞百餘里者曰長泖宋寶元元年兩浙轉運副使

葉清臣開松江盤龍滙滙界華亭崑山之間淳熙十三年羅點提舉浙西常平
以澱山湖洩諸水道奏乞開浚明正統六年巡撫周忱修導吳淞江立表江心

盡去壅塞天順二年巡撫崔恭訪求吳淞江利病親詣相治分江爲三段上海縣自白鶴江至卞家渡嘉靖元年工部郎中顏如環督同松江知府開浚趙屯大盈等浦以通吳淞江之上流崇禎元年禮部主事蔡懋德因大水陞對請開吳淞白茆等江以修水利七年巡按御史祁彪佳督浚華亭浦滙官紹等塘上青蒲滙莘莊等塘萬餘丈本朝康熙十年巡撫馬祐開浚劉河吳淞江張國維吳中水利考云周烈王十五年楚春申君黃歇治水松江道流入海後人因其姓黃曰黃浦亦曰春申浦宋大觀元年命疏導松江三年中書舍人許光凝開淘吳淞江置牐政和元年修松江隄易土以石四年知松江府鄭聞知華亭縣侍其銓浚大港築堰置牐支常平充費紹興四年鹽官縣丞王珏開華亭縣瀕海河浚河凡二百餘以通漕十五年秀州通判曹泳重開顧會浦自華亭縣北門至青龍鎮浦凡六十里南接漕渠而下屬於松江乾道元年開華亭縣顧會浦淳熙十七年提舉浙西常平劉穎疏浚山湖泄吳淞江元至元初中書省准浙江行省咨任仁發言吳淞淤塞奏立都水監仍於中江中書以聞特命行省平章撒里提舉修浚一切便宜經畫以松江故道湮塞西自上海縣界東抵嘉定石橋洪迤邐入海袤三十有八里元大德八年浙省平章燕只吉臺徹里浚吳淞江十年行都水少監任仁發浚吳淞江至治三年詔開吳淞江澱山湖及諸河渠泰定元年浚澱山湖二年浚吳淞舊江大盈浦爲泥涇至正元年浚吳淞江修渠堰松江府西門外漕渠自秀野橋至跨塘橋一段石湖橋五合橋二段及張涇風波塘南俞塘北俞塘鹽鐵塘官紹塘盤龍塘蒲滙塘六磊塘石浦塘十處明永樂二年夏原吉治水於上海東北浚范家浜接黃浦通流入海景泰二年松江府知府葉冕築澱山湖隄天順三年巡撫崔恭浚吳淞江弘治元年蘇松水利道伍性浚蘇松二府江浦六年伍性浚吳淞江及松江府諸

浦塘七年徐貫開浚吳淞白茆等江港洩運河之水由江陰入江嘉靖元年巡撫李充嗣浚吳淞江二年工部郎中林文沛督率華亭縣開各塘港諸水使各通黃浦吳淞江入海隆慶三年巡撫海瑞大開吳淞江萬曆五年巡視下江御史林應訓浚吳淞江應訓開江工費疏略云看得黃浦橫潦涇經秀州塘入南泖至山涇港等處急應開浚此河一開則雲間西來之水無所阻滯而黃浦之流益快得旁達以資灌溉之澤矣十六年蘇松常鎮水利副使許應達浚吳淞江

蘇州府在省城東南領州一曰太倉縣七曰吳縣曰

長洲

並附郭

曰崑山曰常熟曰吳江運糧共六十九萬七

千石

本大清會典通志云一百六萬四千二百六十四石零

嘉定縣地不產米崇明縣

孤懸海中俱無糧也長洲倉在閭門內水次吳縣倉

在葑門內水次

諸縣未詳

運河吳江縣水次在北門外三里

橋自府南二十里至長洲縣尹山橋二十里至盤門

三里至胥門太倉水次在大西門外崑山水次在縣

治南並自府東來太倉四十里至崑山二十里至晉

義巴城巡司十里至夷亭二十里至跨塘橋十里至
婁門口里至閶門常熟縣水次東倉在縣治北南倉
在翌京門外二十里至李王廟五里至紅塔二十五
里至理口巡司二十里至陸墓五里至齊門口里至
閶門十里至楓橋二十里至潞墅關二十里至常州

府無錫縣界望亭

江南通志云運河即古之邗溝嘉興南來水自嘉興石塘由平望而北遶府城為胥江為南濠至閶門無

錫北來水自望亭而南經潞墅楓橋東出渡僧橋交會於閶門外勢甚湍急故吊橋為第一洪元和塘即北來運河俗稱雲和塘南屬長洲縣北入常熟縣界西為尚湖長十五里廣九里有虞山頗為奇勝至和塘自婁門東經沙湖入維亭至崑山縣周敬王二十五年吳行人伍員鑿河後人名曰胥浦在蘇州境自長邨而東周元王元年越大夫范蠡開漕河在蘇州境越伐吳蠡開此轉饋亦名蠡湖宋慶曆二年通判李禹卿隄太湖八十里為渠益漕運嘉祐三年轉運使沈立開崑山之顧浦六年崑山知縣韓正彥開白鶴江政和六年御筆訪問水利命趙霖充兩浙提舉措置興修浚平江常州一江二浦五十八瀆紹興二十八年檢會周環面對浙西水利命漕臣按視轉運副使趙子瀟平江知府蔣燦計料開浚次年正月興工從常熟東柵至雉浦入於涇開福山塘自下涇

口至尚墅北注大江分殺水勢二月畢工明永樂二年朝廷以蘇松水患命工部尚書夏原吉疏治尋遣僉都御史俞士吉齎水利集賜原吉使講究極治之法以聞既得請遂集民丁開浚自崑山下界浦掣吳淞江之水北達婁江挑嘉定縣四顧浦南引吳淞江水北貫吳塘亦由婁江入海浚常熟白茆塘引太湖諸水入揚子江正統七年巡撫周忱開治河渠景泰五年侍郎李敏知府江濤浚白茆等塘天順二年巡撫崔恭開浚吳淞江分江爲三段崑山縣自夏駕口至白鶴江嘉定縣自卞家渡至莊家涇弘治十年工部主事姚文灝築長洲沙湖隄正德七年俞諫請留關稅浚白茆港十六年巡撫李充嗣浚白茆港吳淞江嘉靖元年工部郎中顏如環督同蘇州知府徐贊自下界口浚起至龍王廟舊江口止隆慶元年巡鹽御史蔚元康浚常熟太倉嘉定三州縣境浦塘涇萬曆五年巡江御史林應訓檄蘇州府同知王事聖勘浚自吳江縣龐山湖口至長橋達吳家港自崑山縣慢水港起至嘉定縣徐公浦又建千墩浦夏駕口二閘六年應訓開江工費疏略看得自艾祁至崑山慢水港六十餘里急當開浚此江一開則太湖之水直入於海歲或淋澇可免泛溢崇禎九年崑山知縣楊永言浚夏駕浦長洲修至和塘皆巡撫張國維所飭行也本朝順治十二年太倉知州白登明因夏江塞開鑿朱涇自東濠至和塘起由界涇石婆港湖川塘楊家浜南漕漕東出江口旁浚北漕漕至茜涇鎮之新塘十四年白登明又議開劉河中段鹽鐵河起石家塘止康熙二十年巡撫慕天顏開浚常熟之白茆港蘇州府志云唐元和二年觀察使韓皋刺史李素開常熟塘自齊門北抵常熟長九十里因名元和塘五年刺史王仲舒隄松江爲路時松陵鎮南北西皆水鄉抵郡無路至是始通今吳江縣城北三里橋北行至長洲縣界七里橋曰古塘自觀瀾鋪至澈浦鋪十里曰石塘自澈浦至平望三十里曰官塘自

平望南行至秀水縣王江涇曰土塘荻塘宋至和二年崑山主簿邱與權等作崑山塘爲橋五十二名至和塘沈括考云塘自崑山縣達於婁門凡七十里自古皆積水無陸路民病涉久欲爲長隄抵郡城澤國無處求土嘉祐中有獻計就水中以蘆條爲牆栽兩行相去三尺去牆六丈又爲一牆亦如此澆水中淤泥實蘆條中候乾則以水車畝去兩牆間舊水牆間六丈皆留半以爲隄脚掘其半爲渠取土以爲隄每三四里則爲一橋以通南北之水不日隄成至今爲利元豐三年詔賜米三萬石開蘇州運河淳熙元年提舉薛元鼎奏開運河五十四里嘉定十年知平江府趙彥楠疏錦帆涇以達運河六年發運使魏峻疏至和塘東自夾浦塘西至戴墟浦咸淳元年命知平江府沈度開決許浦白茆浦崔浦黃泗浦茜涇浦下張浦七鴉浦川沙浦楊林浦掘浦等處至治三年詔開吳淞江常熟崑山嘉定三州共工三百六十一萬有奇明洪武九年開浚劉家港白茆四近昆承湖南諸涇及至和塘等處淤淺題設長洲常熟崑山三縣吐納湖海水堰壩正統六年崑山縣開至和塘新塘鹽鐵塘楊林塘黃昌涇鰓鰾涇成化十年巡撫畢亨與知府邱霽議開吳淞江嘉定崑山二縣分挑用夫四萬六千有奇弘治十年工部姚文灝浚至和塘東自新洋江口起西至九里橋浚七鴉浦自尤涇東至木樨灣十一年工部郎中傅潮浚常熟許浦梅李二塘浚至和塘并崑山嘉定二縣各涇浦十二年築沙湖隄隆慶二年常熟知縣張博建白茆港石閘三年巡撫海瑞題開吳淞江白茆港萬曆二十六年許墅關主事管學畏修築沙湖隄三十三年太倉州判官李枝秀浚鹽鐵塘自州西門起至常熟縣白茆塘界吳江知縣劉時俊築石塘北自長洲縣界南至浙江秀水縣界四十三年崑山知縣陳祖苞浚至和塘天啓四年巡撫周起元請浚吳淞白茆疏聞崇禎十年浙江道御史李模請浚吳淞白茆并復設治水部臣

疏聞 本朝康熙十年巡撫馬祐開劉河吳淞江完工疏聞按二水雖通要皆取導於上流吳淞江則吳江控其上百三十里而貫青嘉之錯壤三十里而入上海至宋家橋之閘劉河則郡城扼其上百二十里而沿嘉邑邊境二十里而入太倉至天妃宮之閘二水通塞視上流之導下流之疏今浚吳江之垂虹橋自菴滙至龐山湖口二十餘里又修寶帶橋諸水洞上流既通蘇松郡邑可得沾水利於無窮焉而下流決排全倚二閘開以抑沙沙即淀閘滌蕩失時恐終淤淤是在江口司閘之職云 張國維吳中水利書云蘇州原隰東西北高仰獨西南卑陷具區浩淼無涯從此駛入西北境港潰又合梁溪以南諸水爲之貫注而蘇誠澤國唯水勢至此漸平故曰平江順水唯東流趨納滄海僅有吳淞婁江白茆港三道然晝夜潮汐逆上故水勢來疾而去緩稍遇霍潦蘇惠偏甚於他郡更松杭嘉湖四府運艘及南北商販芻糶方舟共取道蘇境所爲裨國計惠民生者漕渠并急說者謂浚吳淞婁江白茆之餘力即兼治焉以逮四境周環之河脈斯實根本之論宋至道二年知蘇州府陳省華議築崑山塘大中祥符五年兩浙轉運使徐奭奏置開江營兵專修吳江塘路治平三年浙西提刑元積中開運河元豐三年詔開蘇州運河自蘇州至杭州元祐六年詔導蘇州諸湖元符三年詔蘇湖秀三州役開江兵卒浚治運河重和元年知崑山縣吳昉修至和塘乾道元年開崑山縣新洋江至和塘常熟縣白茆等浦淳熙二年兩浙運使姜誥奏開常熟諸浦知平江府陳峴開運河五十四里六年發運使魏峻疏至和塘嘉定七年常熟知縣惠疇築元和塘鰲石爲路以達府元至元二十四年宣慰使朱清蕙婁江弘治四年疏浚漕河八年修婁江隄自蘇州府城婁門起至太倉衛城止十一年浚至和塘嘉靖二十四年太倉知州周士佐築婁江隄萬曆六年浚宜興縣閔溪以通溧陽運道三十三年吳江知縣

劉時俊築石塘北自長洲縣界南至浙江秀水縣界三十七年常熟知縣楊連築元和塘自縣南門外至長洲縣界三十九年崑山知縣祝耀祖築至和塘自城西門起至長洲縣界四十二年長洲知縣胡士容築至和塘天啓四年崑山知縣閔心鏡浚運河以松江府屬入境運道淺淤故也崇禎二年宜興知縣李獻廷浚運河自東門起至武進縣界八年巡撫張國維修吳江石塘時塘圯石墮哽噎銜竇兼阻漕運繹挽檄知縣章日烱勘核自平望至長橋三江橋等處並修葺之九年疏導吳江縣長橋至九里石塘十年重修至和塘河防志云蘇州府吳江縣運河自秀水王江涇起至長洲縣界止計程八十里長洲縣運河自吳江縣界起至常州府無錫縣界望亭止內自城濠至廣孝阡起至楓橋十餘里係吳縣河道交錯於長洲縣境計程八十五里

常州府在省城東領縣五曰武進附郭曰無錫曰宜興

曰江陰運糧共十七萬五千石本大清會典通志三十萬四千七百八十九石零唯

靖江一縣則無糧也宜興在府南有運河直北五十里入武進界江陰在府東有九里河直南而西又南而西至山塘河入武進界疑即江陰之運河也府之運河自望亭十里至新安三十里至無錫縣錫山驛